

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

**Komisija za sigurnost**

Broj: 02/5-02-1806/23

Sarajevo, 26. 06. 2023. godine

Na osnovu člana 59. Poslovnika o radu Doma naroda Parlamenta Federacije Bosne i Hercegovine, Komisija za sigurnost Doma naroda Parlamenta Federacije Bosne i Hercegovine, na 1. sjednici, održanoj 26. juna 2023. godine, razmatrala je:

1. Konstituiranje Komisije za sigurnost Doma naroda Parlamenta Federacije Bosne i Hercegovine i
2. Informacija o stanju sigurnosti - kriminaliteta na području Federacije BiH za period januar – decembar 2022.godine

Na osnovu člana 51. Poslovnika o radu Doma naroda Parlamenta Federacije BiH, Komisija podnosi Domu naroda sljedeći

## **IZVJEŠTAJ**

### **1. Konstituiranje Komisije za sigurnost Doma naroda Parlamenta Federacije Bosne i Hercegovine**

Na sjednici Doma naroda održanoj 30.marta 2023. godine Odlukom o izboru predsjednika i članova radnih tijela Doma naroda Parlamenta Federacije Bosne i Hercegovine u Komisiju za sigurnost Doma naroda Parlamenta Federacije Bosne i Hercegovine izabrani su Aljoša Čampara - predsjednik Komisije, Ilija Nakić - zamjenik predsjednika. Za članove su izabrani Halil Selimbašić, Miroslav Mitrović, Nikola Materić, Mehmed Mahmić i Dragan Konta.

Komisija za sigurnost :

- razmatra pitanja sistema i politike u oblasti sigurnosti u okviru prava i dužnosti Doma naroda i, s tim u vezi, daje mišljenja i prijedloge Domu naroda;
- predlaže mjere za organiziranje, vođenje i razvoj sigurnosti Federacije, razmatra pitanja suzbijanja terorizma, međukantonalnog kriminala, neovlaštene trgovine drogom i organiziranog kriminala;
- razmatra pitanja o nabavljanju, držanju i nošenju oružja;
- razmatra nacрте i prijedloge zakona i drugih općih akata kojima se regulira oblast sigurnosti Federacije i daje mišljenja i prijedloge Domu naroda.

## **2. Informacija o stanju sigurnosti - kriminaliteta na području Federacije BiH za period januar – decembar 2022.godine,**

Ispred Vlade Federacije Bosne i Hercegovine Federalni ministar unutrašnjih poslova Ramo Isak je obrazložio je Informaciju o stanju sigurnosti - kriminaliteta na području Federacije BiH za razdoblje januar- decembar 2022. godine. Članove Komisije je informisao da je stepen kriminaliteta za 2022. godinu smanjen, broj napada na ovlaštena službena lica takođe smanjen za 2022. godinu i jedini problem u 2022.godini koji je povećan su saobraćajne nesreće. Situacija za 2023. godinu bi trebala biti mnogo bolja jer se puno više radi na terenu.

Članovi Komisije predlažu delegatima Doma naroda da Informaciju o stanju sigurnosti - kriminaliteta na području Federacije BiH za razdoblje januar- decembar 2022. godine prime k znanju.

**PREDSJEDNIK KOMISIJE**

**Aljoša Čampara**